

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI KHAMIS, 26 MAC 2015, PUKUL 10.00 PAGI**

**Bil. 12**

---

**PERTANYAAN-PERTANYAAN BAGI JAWAB LISAN**

1. PR-1331-L66935  
**Dato' Ir. Haji Nawawi bin Ahmad [ Langkawi ]** minta **MENTERI KEWANGAN** menyatakan adakah Kerajaan bercadang untuk menaikkan had pelepasan cukai memandangkan akta tersebut digubal pada tahun 1986 dan buat masa ini kadar pelepasan cukai untuk pelancong yang tinggal di Langkawi melebihi 48 jam adalah sehingga had belian barangan RM500 sahaja.
2. PR-1331-L66628  
**Tuan Ahmad Marzuk bin Shaary [ Bachok ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apa-apa peningkatan peruntukan dan perubahan keutamaan oleh JKM dalam menghadapi musibah banjir 2014 di Kelantan. Apakah bukti kuat yang menunjukkan bahawa JKM benar-benar menjaga kebajikan mangsa-mangsa banjir di Kelantan.
3. PR-1331-L67372  
**Datuk Mas Ermieyati binti Samsudin [ Masjid Tanah ]** minta **MENTERI BELIA DAN SUKAN** menyatakan apakah langkah-langkah yang telah diambil susulan daripada resolusi Persidangan Pertama Parlimen Belia Malaysia yang telah diadakan pada bulan Januari 2015 yang lepas.
4. PR-1331-L65658  
**Puan Hajah Zuraida binti Kamaruddin [ Ampang ]** minta **PERDANA MENTERI** menyatakan sama ada pengangkutan awam mesra OKU disediakan bagi pengguna di luar bandar.
5. PR-1331-L65905  
**Datuk Madius Tangau [ Tuaran ]** minta **PERDANA MENTERI** menyatakan berapakah peruntukan yang telah dan akan diberikan oleh Kerajaan Persekutuan kepada Kerajaan Sabah dan Sarawak untuk membiayai Perkhidmatan Pentadbiran Tanah Anak Negeri (PANTAS) iaitu pengukuran tanah-tanah adat dan apakah status kejayaan dalam usaha tersebut setakat ini.

6. PR-1331-L65721  
**Dato' Kamarudin bin Jaffar [ Tumpat ]** minta **MENTERI LUAR NEGERI** menyatakan apakah langkah-langkah terkini Kerajaan untuk membantu menyelesaikan masalah Pattani di selatan Thailand.
7. PR-1331-L67051  
**Datuk Haji Datu Nasrun bin Datu Mansur [ Silam ]** minta **MENTERI PERDAGANGAN ANTARABANGSA DAN INDUSTRI** menyatakan sempena Persidangan Asean 2015 dan pembentukan komuniti Asean 2015, sejauhmanakah komitmen negara Asean ini dalam memupuk kerjasama ekonomi yang padu dalam Negara anggota. Adakah modul dan kerangka ekonomi yang lebih proaktif akan dicadangkan dalam membina keutuhan ekonomi Asean dan memberi keuntungan kepada kesemua Negara Anggota.
8. PR-1331-L65480  
**Dato' Kamarul Baharin bin Abbas [ Telok Kemang ]** minta **MENTERI KESIHATAN** menyatakan:-
  - (a) sejauh mana usaha Kementerian untuk menambahkan jumlah pegawai pakar perubatan yang kini berjumlah seramai 1,199 orang berbanding 1,043,370 orang pesakit di seluruh negara; dan
  - (b) apakah tindakan Kementerian untuk menambah bilangan pakar bedah dalam bidang mikro dan tangan (*hand and micro surgery*) kerana terdapat hanya seorang pakar pada masa kini dan 13 orang pakar bedah kanak-kanak.
9. PR-1331-L66871  
**Datuk Jumat bin Idris [ Sepanggar ]** minta **MENTERI PERTANIAN DAN INDUSTRI ASAS TANI** menyatakan Lembaga Kemajuan Ikan Malaysia bercadang untuk membina jeti pendaratan ikan di Kg. Kebagu, Kota Kinabalu bagi memberi kemudahan kepada lebih 1000 orang nelayan yang kini tidak mempunyai jeti pendaratan. Adakah Kementerian ingin meneruskan pembinaan ini dan bilakah ia akan dimulakan.
10. PR-1331-L66190  
**Tuan Oscar Ling Chai Yew [ Sibü ]** minta **MENTERI KOMUNIKASI DAN MULTIMEDIA** menyatakan mengapa masalah penerimaan SMS bercaj daripada syarikat yang tidak diketahui oleh pengguna masih berleluasa. Siapakah yang bertanggungjawab memberi maklumat peribadi pengguna kepada syarikat yang mengeluarkan SMS bercaj itu, adakah *Personal Data Protection Act* boleh digunakan untuk menghadapkan syarikat telekomunikasi yang mendedahkan maklumat pengguna ke mahkamah.
11. PR-1331-L65633  
**Dato' Haji Zainudin bin Ismail [ Jelebu ]** minta **PERDANA MENTERI** menyatakan:-
  - (a) pelan induk yang akan dilaksanakan bagi memulihkan kembali kawasan Cameron Highlands yang terjejas teruk akibat pencerobohan tanah dan insiden banjir lumpur; dan

- (b) perincian kos yang diperlukan di dalam menjayakan pelan induk membaik pulih kawasan Cameron Highlands.

12. PR-1331-L65598

**Tuan Sim Tong Him [ Kota Melaka ]** minta **MENTERI DALAM NEGERI** menyatakan:-

- (a) sebab-sebab mengapa Kementerian memutuskan semua Pembaharuan Pas Lawatan Kerja Sementara (PLKS) mesti dilakukan secara online melalui MyEG Services Berhad; dan
- (b) dengan keputusan ini, berapakah anggaran pendapatan tambahan MyEG dan bagaimanakah dengan pengagihan pendapatan tambahan ini dengan Kementerian.

13. PR-1331-L66049

**Datuk Ahmad Jazlan bin Yaakub [ Machang ]** minta **MENTERI KESIHATAN** menyatakan adakah Kementerian ada merangka pelan tindakan bagi memperbesarkan hospital di Machang dan menambah kelengkapan yang sedia ada kerana Hospital Kuala Krai dan Tanah Merah terkepung akibat banjir dan hospital yang berhampiran adalah Machang.

14. PR-1331-L65577

**Tuan Fong Kui Lun [ Bukit Bintang ]** minta **MENTERI KESIHATAN** menyatakan usaha untuk meningkatkan mutu perkhidmatan di hospital dan klinik Kerajaan kepada pesakit-pesakit kerana pada masa ini mereka terpaksa menunggu giliran yang lama sebelum diberikan rawatan.

15. PR-1331-L65537

**Tuan Nogeh anak Gumbek [ Mas Gading ]** minta **MENTERI PENDIDIKAN** menyatakan jumlah lulusan maktab serta institusi perguruan di Sarawak yang masih belum ditempatkan di sekolah-sekolah serta purata masa menunggu yang perlu mereka lalui sebelum di sekolah tempat mereka bertugas.

16. PR-1331-L67149

**Tuan Jeff Ooi Chuan Aun [ Jelutong ]** minta **MENTERI PENDIDIKAN** menyatakan sama ada perkhidmatan pautan Internet dalam Projek BestariNet yang kini dikendalikan secara monopoli oleh YTL Communications akan dibuka kepada operator jalur lebar yang lain. Apakah Kerajaan berpuas-hati dengan prestasi YTL Communications setakat ini.

17. PR-1331-L65873

**Datuk Raime bin Unggi [ Tenom ]** minta **PERDANA MENTERI** menyatakan jumlah syarikat Bumiputera yang diberikan ruang dan peluang dalam Program Pembangunan Vendor sejak ditubuhkan pada 1994 kendalian PETRONAS sebagai usaha melahirkan syarikat Bumiputera berdaya maju dan mampan.

18. PR-1331-L65792  
**Tuan Idris bin Haji Ahmad [ Bukit Gantang ]** minta **MENTERI PENDIDIKAN** menyatakan berapakah bilangan guru-guru sekolah yang disahkan mengidap penyakit mental, apakah ia berpunca daripada tekanan kerja dan bebanan tugas di sekolah.
19. PR-1331-L65772  
**Datuk Bung Moktar bin Radin [ Kinabatangan ]** minta **MENTERI SUMBER MANUSIA** menyatakan apakah perancangan pihak Kementerian dalam membantu graduan untuk mendapatkan pekerjaan yang bersesuaian dengan kelayakan mereka.
20. PR-1331-L67325  
**Ust. Datuk Dr. Mohd. Khairuddin bin Aman Razali [ Kuala Nerus ]** minta **MENTERI PERDAGANGAN ANTARABANGSA DAN INDUSTRI** menyatakan input-input penting dalam pelan strategik pembangunan sektor perusahaan kecil dan sederhana (PKS) yang dirangka bagi memastikan 643,000 usahawan PKS di seluruh negara mendapat manfaat khususnya pada masa Malaysia menjadi Pengerusi ASEAN.
21. PR-1331-L66467  
**Ir. Shaharuddin bin Ismail [ Kangar ]** minta **MENTERI KERJA RAYA** menyatakan projek- projek penyelenggaraan Lebuhraya Utara Selatan dari Perlis ke Kuala Lumpur yang masih dalam proses dan nyatakan jangka masa kerja-kerja penyelenggaraan dan tambahan lorong akan disiapkan bagi memudahkan pengguna lebuhraya berkenaan terutamanya pada musim cuti persekolahan dan cuti am kelak.
22. PR-1331-L66617  
**Tuan Ramkarpal Singh a/l Karpal Singh [ Bukit Gelugor ]** minta **PERDANA MENTERI** menyatakan sama ada Kerajaan bersedia untuk menghapuskan hukuman mati mandatori dan menggantikannya dengan hukuman alternatif iaitu penjara seumur hidup.
23. PR-1331-L66075  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kerajaan berhasrat untuk memperkasakan sistem 'Sewa untuk Beli' untuk memudahkan pemilikan rumah mampu milik.
24. PR-1331-L67292  
**Dato' Haji Mahfuz bin Omar [ Pokok Sena ]** minta **MENTERI PERTAHANAN** menyatakan sama ada Kementerian bercadang untuk mengubah atau meminda polisi dan peraturan lapuk dalam Angkatan Tentera seperti syarat tidak boleh memberi kenyataan terbuka tanpa kebenaran pihak atasan seperti yang berlaku pada Mejar Zaidi Ahmad.

25. PR-1331-L66176  
**Dato' Wira Mohd Johari bin Baharom [ Kubang Pasu ]** minta **PERDANA MENTERI** menyatakan berapakah peruntukan kewangan Kerajaan untuk meningkatkan/menaiktaraf semua mahkamah di Malaysia sejak 5 tahun lalu. Apakah Kerajaan mempunyai perancangan untuk membina bangunan mahkamah di semua negeri seperti yang telah dibina di Putrajaya iaitu Istana Kehakiman.
26. PR-1331-L65744  
**Tuan Ahmad Baihaki bin Atiqullah [ Kubang Kerian ]** minta **PERDANA MENTERI** menyatakan berapakah peruntukan pembangunan yang telah dibelanjakan oleh pihak Kerajaan untuk negeri Kelantan sepanjang RMK-9 dan RMK-10.
27. PR-1331-L66596  
**Datuk Liang Teck Meng [ Simpang Renggam ]** minta **MENTERI PENGANGKUTAN** menyatakan apakah Kerajaan bercadang untuk melaksanakan pemeriksaan kesihatan secara berkala kepada pemegang lesen memandu warga emas bagi memastikan tahap kesihatan mereka adalah sesuai dan baik untuk memandu memandangkan semakin banyak kes kemalangan melibatkan warga emas yang berpunca daripada masalah kesihatan semasa memandu.
28. PR-1331-L66861  
**Tuan Teo Kok Seong [ Rasah ]** minta **MENTERI PENGANGKUTAN** menyatakan secara terperinci bilakah cadangan perkhidmatan kereta api elektrik dari Johor Bahru ke Kedah dan Kelantan boleh dilaksanakan dengan sepenuhnya serta anggaran kos yang terlibat.
29. PR-1331-L66015  
**Dato' Shamsul Anuar bin Haji Nasarah [ Lenggong ]** minta **PERDANA MENTERI** menyatakan:-
- (a) kesan sasaran Wawasan 2020 akibat kejatuhan harga minyak dan nilai Ringgit Malaysia; dan
  - (b) apakah langkah Kerajaan bagi memastikan segala perancangan sebelum ini berjaya.
30. PR-1331-L65802  
**Tuan Wan Hasan bin Mohd Ramli [ Dungun ]** minta **MENTERI DALAM NEGERI** menyatakan status dan penyelesaian kes Koperal Sirul Azhar Umar yang kini berada di Australia, setelah Mahkamah Persekutuan menjatuhkan hukuman gantung sampai mati.
31. PR-1331-L66829  
**Datuk Koh Nai Kwong [ Alor Gajah ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah punca yang menyebabkan isu sampah masih berlaku di negara ini dan apakah punca perancangan Kementerian untuk mengatasi masalah ini.

32. PR-1331-L66399  
**Puan Nurul Izzah binti Anwar [ Lembah Pantai ]** minta **PERDANA MENTERI** menyatakan:-
- (a) adakah Kerajaan bersedia menerima input daripada badan bebas untuk mengaudit persempadanan semula kawasan Parlimen dan DUN yang dilakukan oleh Suruhanjaya Pilihanraya (SPR); dan
  - (b) adakah Kerajaan akan memperkenalkan semula kuota bandar/luar bandar dan jumlah saiz penduduk dalam kawasan pilihan raya.
33. PR-1331-L65694  
**Datuk Seri Noh bin Haji Omar [ Tanjong Karang ]** minta **MENTERI SUMBER MANUSIA** menyatakan jumlah pekerja asing yang bekerja di sektor swasta sebagai pekerja mahir dan separuh mahir.
34. PR-1331-L66124  
**Tuan Wong Chen [ Kelana Jaya ]** minta **MENTERI KEWANGAN** menyatakan jumlah untung kertas pertukaran asing 1MDB daripada dana yang ditempatkan di Cayman Islands.
35. PR-1331-L66007  
**Datuk Nur Jazlan bin Mohamed [ Pulai ]** minta **MENTERI PERDAGANGAN ANTARABANGSA DAN INDUSTRI** menyatakan jumlah pelaburan yang sudah diterima di semua koridor ekonomi yang ditubuhkan dan berapakah jumlah Pelaburan Langsung Asing (FDI) mengikut pecahan setiap koridor ekonomi.
36. PR-1331-L65860  
**Dato' Mansor bin Othman [ Nibong Tebal ]** minta **MENTERI DALAM NEGERI** menyatakan status siasatan kes 1MDB berikutan laporan polis Naib Ketua UMNO Bahagian Batu Kawan, Dato Seri Paduka Khairudin Abu Hassan terhadap 1MDB dan anak-anak syarikatnya.
37. PR-1331-L65509  
**Dato' Haji Mohd Zaim bin Abu Hasan [ Parit ]** minta **PERDANA MENTERI** menyatakan adakah Kerajaan akan meminda undang-undang bagi menyelaraskan penggunaan kalimah ALLAH di setiap negeri tanpa mengetepikan kuasa Sultan atau Raja selaku ketua agama Islam negeri.
38. PR-1331-L66262  
**Dato' Mohd Ariff Sabri bin Abdul Aziz [ Raub ]** minta **MENTERI TENAGA, TEKNOLOGI HIJAU DAN AIR** menyatakan:-
- (a) berapa peratusan penjanaan eletrik oleh TNB yang menggunakan bahan bakar minyak; dan
  - (b) berapa peratusan penjanaan minyak TNB yang menggunakan arang batu.

39. PR-1331-L65392  
**Tuan Khoo Soo Seang [ Tebrau ]** minta **PERDANA MENTERI** menyatakan apakah dasar dan inisiatif yang akan dilaksanakan oleh Kementerian untuk mencegah kesan bencana alam seperti banjir yang telah berlaku baru-baru ini seperti di Perak, Kelantan, Terengganu, Sabah dan Sarawak.
40. PR-1331-L66274  
**Tuan Su Keong Siong [ Ipoh Timor ]** minta **MENTERI SUMBER MANUSIA** menyatakan jumlah wang caruman terkumpul dalam PERKESO setakat Disember 2014. Adakah Kerajaan berhasrat untuk membawa pindaan kepada Akta Keselamatan Sosial Pekerja 1969.
41. PR-1331-L65590  
**Dato' Abdul Manan bin Ismail [ Paya Besar ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan langkah-langkah yang telah diambil Kementerian bagi menangani isu banjirir rakyat asing yang kini menjadi "taukeh" menguasai perniagaan pelbagai bidang dan perkhidmatan domestik di bandar-bandar besar di negeri ini.
42. PR-1331-L67289  
**Tuan Haji Khalid bin Abdul Samad [ Shah Alam ]** minta **MENTERI KEWANGAN** menyatakan apakah hasil pelaksanaan 12 langkah yang telah diambil oleh Kerajaan bagi memulihkan keadaan Syarikat Penerbangan Malaysia Sdn. Bhd. (MAS) sebagaimana yang diwar-warkan oleh pihak media.
43. PR-1331-L66167  
**Datuk Wira Haji Ahmad bin Hamzah [ Jasin ]** minta **MENTERI KEWANGAN** menyatakan:-
- (a) apakah prestasi Ringgit Malaysia (RM) dan lain-lain mata wang utama berbanding USD pada 1 Mac 2014 dan 2015 dan sebab-sebab peratus kejatuhan RM lebih besar dari mata wang yang lain; dan
  - (b) apakah usaha yang diambil untuk mengurangkan kesan negatif ke atas prestasi ekonomi kita di samping tidak menjejaskan pula faedah yang boleh dinikmati oleh para pengekspor.
44. PR-1331-L66065  
**Tuan Ng Wei Aik [ Tanjong ]** minta **MENTERI PENGANGKUTAN** menyatakan status pengambilalihan sistem penguatkuasa AES daripada Beta Tegap Sdn. Bhd. dan ATES Sdn. Bhd. dan hasil "*due diligence*" yang telah dilakukan ke atas kedua-dua syarikat tersebut. Adakah Kerajaan Persekutuan terpaksa membayar RM500 juta kepada setiap syarikat yang terlibat.

45. PR-1331-L67442  
**Dato' Ahmad Fauzi bin Zahari [ Setiawangsa ]** minta **PERDANA MENTERI** menyatakan langkah khusus yang dilaksanakan Kementerian bagi mengatasi masalah kekeliruan status produk halal. Ini berikutan terlalu banyak produk bukan Muslim Bumiputera yang menggunakan nama Islamik di pasaran yang telah mengelirukan pengguna.
46. PR-1331-L67055  
**Dr. Mansor bin Abd Rahman [ Sik ]** minta **MENTERI PELANCONGAN DAN KEBUDAYAAN** menyatakan adakah berlaku peningkatan jumlah kemasukan pelancong dari Republik Rakyat China selepas Kejadian MH370 dan setelah Kerajaan pada 20 Januari 2015 memutuskan untuk memberikan visa percuma kepada pelancong dari negara tersebut yang melancong ke Malaysia.
47. PR-1331-L66766  
**Tuan Che Mohamad Zulkifly bin Jusoh [ Setiu ]** minta **MENTERI SUMBER ASLI DAN ALAM SEKITAR** menyatakan langkah-langkah diambil secara jangka pendek dan jangka panjang dalam menyelesaikan masalah hakisan teruk sepanjang pantai daerah Setiu terutama di kampung Gong Batu, Setiu di mana pada akhir 2014 telah berlaku banjir dan fenomena air pasang besar sehingga menyebabkan ban yang memisahkan antara sungai dan laut melimpah masuk ke kawasan laguna tempat ternakan ikan sangkar berjumlah 1,200 buah yang melibatkan seramai 87 orang penternak yang menjana hasil sebanyak 14 juta semusim. Akibatnya penternak-penternak mengalami kerugian yang besar.
48. PR-1331-L67266  
**Dr. Hajah Siti Mariah binti Mahmud [ Kota Raja ]** minta **MENTERI PEMBANGUNAN WANITA, KELUARGA DAN MASYARAKAT** menyatakan dengan tegas pendirian dan dasar yang menyentuh pendidikan anak menggunakan rotan dalam negara kita dan apakah langkah-langkah Kementerian untuk mendidik masyarakat supaya peka dan berilmu di dalam metodologi mendidik anak-anak.
49. PR-1331-L67176  
**Datuk Ikmal Hisham bin Abdul Aziz [ Tanah Merah ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan sejauh manakah kejayaan yang dicatatkan dalam Ops Catut dan Ops Titik.
50. PR-1331-L65680  
**Datuk Johari bin Abdul Ghani [ Titiwangsa ]** minta **MENTERI PENDIDIKAN** menyatakan jumlah perangkaan atau statistik pelajar yang tidak tamat pengajian sekolah rendah dan sekolah menengah dan adakah berlaku sebarang peningkatan terhadap perangkaan pelajar yang tidak tamat persekolahan serta apakah faktor yang menyumbang kepada peningkatan tersebut.



51. PR-1331-L67020  
**Tuan Mohamed Azmin bin Ali [ Gombak ]** minta **MENTERI KEWANGAN** menyatakan apakah pelan tindakan 1MDB untuk membayar jumlah hutang yang dianggar berjumlah RM39 bilion.
52. PR-1331-L65379  
**Dato' Wira Othman bin Abdul [ Pendang ]** minta **PERDANA MENTERI** menyatakan apakah langkah-langkah awal untuk menggerakkan jentera menghadapi banjir pada masa yang akan datang supaya mangsa banjir dapat ditangani dengan lebih cepat dan sempurna.
53. PR-1331-L67334  
**Datuk Rozman bin Isli [ Labuan ]** minta **MENTERI PERTANIAN DAN INDUSTRI ASAS TANI** menyatakan adakah Kementerian mempunyai rancangan untuk menjadikan Pulau Labuan sebagai pusat pendaratan ikan tuna.
54. PR-1331-L67386  
**Datuk Joseph Salang anak Gandum [ Julau ]** minta **MENTERI PENDIDIKAN** menyatakan kesediaan Kementerian untuk bekerjasama dengan Kementerian Kemajuan Luar Bandar dan Wilayah dalam membekalkan ameniti asas seperti air bersih dan elektrik kepada sekolah dan juga komuniti berhampiran.
55. PR-1331-L65410  
**Tuan Haji Mohd Fasih bin Haji Mohd Fakeh [ Sabak Bernam ]** minta **MENTERI PENDIDIKAN** menyatakan analisa keseluruhan keputusan, pencapaian dan prestasi Pentaksiran Tingkatan Tiga (PT3) bagi tahun 2014 berbanding pencapaian pelajar dalam Penilaian Menengah Rendah PMR dan nyatakan apakah langkah Kementerian bagi meningkatkan pencapaian PT3 bagi tahun-tahun yang mendatang.
56. PR-1331-L67456  
**Datuk Hajah Norah binti Abd Rahman [ Tanjong Manis ]** minta **PERDANA MENTERI** menyatakan apakah hubungan antara JAKIM dan 'Halal Industry Development Corporation' (HDC) dalam mempromosi halal di peringkat antarabangsa memandangkan HDC tidak mempunyai kuasa untuk mempromosi prosedur pensijilan halal JAKIM sedangkan pensijilan Halal Malaysia adalah diiktiraf sebagai yang terbaik di dunia dan amat diminati oleh syarikat-syarikat antarabangsa.
57. PR-1331-L67025  
**Tuan Manivanan a/l Gowindasamy [ Kapar ]** minta **MENTERI KESIHATAN** menyatakan:-
- (a) perkembangan dan status terkini (dari 1 Jun 2014 hingga 28 Februari 2015) pembinaan hospital di Parlimen Kapar dan apakah faktor-faktor yang menyebabkan kelewatan bermulanya pembinaan hospital di Parlimen Kapar. Bilakah Kerajaan Pusat berhasrat untuk memulakan pembinaan hospital di Parlimen Kapar; dan

- (b) perkembangan dan status terkini mengenai proses penambahbaikan Klinik Kesihatan Kapar Baru yang akan menggantikan Klinik Kesihatan Lama di bawah RP3, RMK-10 dan apakah faktor-faktor yang menyebabkan kelewatan bermulanya proses penambahbaikan Klinik Kesihatan Kapar Baru ini.
58. PR-1331-L65956  
**Dr. Che Rosli bin Che Mat [ Hulu Langat ]** minta **MENTERI TENAGA, TEKNOLOGI HIJAU DAN AIR** menyatakan kejayaan penjana tenaga elektrik dari Biomass daripada tapak pelupusan sampah dan sisa kelapa sawit. Adakah ia boleh memberi pulangan daripada pelaburan mereka atau ia bergantung kepada subsidi Kerajaan.
59. PR-1331-L66986  
**Tuan Gooi Hsiao-Leung [ Alor Setar ]** minta **MENTERI DALAM NEGERI** menyatakan apakah status terkini dalam melaksanakan cadangan-cadangan Suruhanjaya Siasatan Diraja atas Projek IC di Sabah.
60. PR-1331-L66980  
**Tuan Wong Ling Bui [ Sarikei ]** minta **MENTERI KERJA RAYA** menyatakan sama ada kerajaan pusat masih mempunyai sebarang rancangan atau pelan tindakan untuk membina satu jalanraya dari Bandar Sarikei ke Tanjong Manis dalam Rancangan Malaysia Ke-11. Sekiranya ada perancangan tentang projek tersebut, bilakah projek tersebut akan bermula dan berapakah anggaran kos projek tersebut.
61. PR-1331-L66790  
**Tuan Chong Chieng Jen [ Bandar Kuching ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan kenapa harga gula yang dijual di Malaysia masih begitu mahal padahal purata harga gula antarabangsa adalah RM1.40 per kilogram dan *Long Term Contract* pembelian gula daripada pembekal gula luar negeri telah pun tamat dalam Disember 2014.
62. PR-1331-L66320  
**Tuan Nga Kor Ming [ Taiping ]** minta **PERDANA MENTERI** menyatakan dalam kes Razak Baginda v. PP yang melibatkan kes bunuh, iaitu seksyen 302 Kanun Keseksaan, apakah sebab sebenar Jabatan Peguam Negara tidak mengemukakan rayuan ke atas keputusan Mahkamah Tinggi.
63. PR-1331-L66526  
**Tuan Haji Ahmad Lai bin Bujang [ Sibuti ]** minta **MENTERI DALAM NEGERI** menyatakan:-
- (a) berapakah jumlah rekod kes perlakuan jenayah terhadap warga emas yang dicatatkan sepanjang tahun 2013 dan 2014 mengikut setiap negeri; dan
- (b) apakah jenis perlakuan jenayah terhadap warga emas yang mencatat rekod kes tertinggi.

64. PR-1331-L66245  
**Dato' Noraini binti Ahmad [ Parit Sulong ]** minta **MENTERI PENDIDIKAN** menyatakan langkah-langkah untuk meningkatkan pembelajaran bahasa selain daripada bahasa Melayu dan bahasa Inggeris di sekolah-sekolah rendah seluruh negara supaya generasi akan datang bukan sahaja mahir dalam bahasa-bahasa yang menjadi bahasa ibunda pelbagai kaum di negara ini tetapi juga akan meningkatkan hubungan antara pelbagai kaum.
65. PR-1331-L65416  
**Dato' Seri Ong Ka Chuan [ Tanjong Malim ]** minta **PERDANA MENTERI** menyatakan apakah perancangan yang akan dilaksanakan oleh Kementerian untuk membantu mangsa-mangsa banjir di seluruh negara untuk membaik pulih dan membina semula rumah-rumah mereka yang telah dimusnahkan dalam banjir kebelakangan ini.
66. PR-1331-L65437  
**Tuan Hee Loy Sian [ Petaling Jaya Selatan ]** minta **MENTERI DALAM NEGERI** menyatakan pemantauan Jabatan Imigresen terhadap Sirul Azhar yang bolos ke Australia sedangkan kesnya masih didengari di Mahkamah.
67. PR-1331-L66741  
**Tuan Chua Tian Chang @ Tian Chua [ Batu ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan sementara harga gula di Malaysia ditetapkan pada RM2.80/kg harga antarabangsa setakat ini adalah lebih kurang RM1.50. Berapa jumlah subsidi Kerajaan untuk sekilo dan jumlah bayaran subsidi setahun.
68. PR-1331-L67067  
**Dato' Hasbullah bin Osman [ Gerik ]** minta **MENTERI PENGANGKUTAN** menyatakan laporan terkini kes nahas MH 17 serta tindakan undang-undang terhadap pelaku jenayah ini.
69. PR-1331-L65748  
**Tuan M. Kulasegaran [ Ipoh Barat ]** minta **MENTERI SUMBER ASLI DAN ALAM SEKITAR** menyatakan:-
- (a) sama ada sedar bahawa masalah pencemaran di Sungai Kinta dan Sungai Pari yang terletak di daerah Ipoh menjadi semakin serius; dan
  - (b) apakah langkah-langkah yang akan diambil oleh Kerajaan untuk memulihkan sungai tersebut.
70. PR-1331-L66942  
**Tuan Mohd Rafizi bin Ramli [ Pandan ]** minta **MENTERI KEWANGAN** menyatakan senarai terma-terma utama perjanjian pinjaman di antara 1MDB dan Ananda Krishnan sebanyak RM2 bilion termasuk sebarang syarat berhubung pemilikan aset 1MDB sedia ada dan penglibatan di dalam pelaburan 1MDB.

71. PR-1331-L67131

**Tuan Gobind Singh Deo [ Puchong ]** minta **MENTERI DALAM NEGERI** menyatakan apakah projek-projek yang mana Paul Phua membantu Kerajaan Malaysia sekiranya ada dan projek ini dirahsiakan di bawah Akta Rahsia Rasmi, bila ia dirahsiakan.

72. PR-1331-L67474

**Tuan V. Sivakumar [ Batu Gajah ]** minta **PERDANA MENTERI** menyatakan pendirian Kerajaan mengenai projek mencetak 1 juta kitab suci al-Quran dalam Bahasa Cina, Tamil, Inggeris dan Melayu untuk diedarkan kepada orang-orang bukan Islam. Adakah ini bertujuan untuk menyebarkan dan mengembangkan agama Islam kepada orang-orang bukan Islam di negara ini.

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri Kewangan**

- \* Rang Undang-undang Lembaga Pembiayaan Perumahan Sektor Awam 2015

2. **Menteri Sains, Teknologi dan Inovasi**

- \* Rang Undang-undang Ahli Kimia (Pindaan) 2015

---

\* Menandakan bahawa Rang Undang-undang ini akan dibawa pada semua peringkat di mesyuarat ini.

### **ATURAN URUSAN MESYUARAT DAN USUL-USUL**

1. **Usul dibuat oleh Yang Berhormat Datuk Seri Noh bin Haji Omar [ Tanjong Karang ]** dan masalah dicadangkan :-

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya :-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Ketiga, Parlimen Yang Ketiga Belas.”

**Menyambung semula Perbahasan atas masalah (25 Mac, 2015)**

- |    |               |  |   |
|----|---------------|--|---|
| 2. | (D.R. 3/2015) | Rang Undang-undang Perbekalan Tambahan (2014) 2015 | <b>Bacaan<br/>Kali<br/>Yang<br/>Kedua</b> |
|    |               | DAN  |   |

YAB Menteri Kewangan akan mencadangkan :-

“ Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa jumlah wang tambahan sebanyak satu bilion sembilan ratus dua puluh satu juta sembilan ratus sembilan puluh lima ribu lapan ratus lapan puluh ringgit (RM 1,921,995,880) diperuntukkan daripada Kumpulan Wang Pembangunan bagi tahun kewangan 2014 bagi Maksud dan Butiran (Projek) seperti yang dinyatakan dalam ruang pertama dan kedua penyata Anggaran Perbelanjaan Pembangunan Tambahan Pertama 2014 yang dibentangkan sebagai Kertas Perintah 2 Tahun 2015 dan yang disenaraikan di sebelah Maksud dan Butiran (Projek) dalam ruang sembilan dan sepuluh penyata tersebut.”

- |    |                |   |   |
|----|----------------|---|---|
| 3. | (D.R. 24/2014) | Rang Undang-undang Dadah Berbahaya (Pindaan) (No.2) 2014<br><br><b>[ Menteri Kesihatan]</b> | <b>Bacaan<br/>Kali<br/>Yang<br/>Kedua</b> |
| 4. | (D.R. 29/2014) | Rang Undang-undang Pendidikan (Pindaan) 2014<br><br><b>[ Menteri Pendidikan ]</b>           | “   |

5. (D.R. 26/2014) Rang Undang-undang Perhubungan  
Perusahaan (Pindaan) 2014 “

**[ Menteri Sumber Manusia ]**

6. (D.R. 30/2014) Rang Undang-undang Teknologis dan  
Juruteknik 2014 “

**[ Menteri Sains, Teknologi dan Inovasi ]**

7. (D.R. 23/2014) Rang Undang-undang Ahli Parlimen  
(Saraan) (Pindaan) 2014 “

**[ Perdana Menteri ]**

**8. Menteri Kewangan akan mencadangkan :-**

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

**9. PR-1331-U65762**

**Datuk Dr. Makin @ Marcus Mojigoh [ Putatan ] akan mencadangkan:-**

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

**[ Perdana Menteri ]**

10. PR-1331-U65853

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

**[ Menteri Dalam Negeri ]**

11. PR-1331-U65760

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

**[ Perdana Menteri ]**

12. PR-1331-U66345

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan banjir besar di negara."

**[ Perdana Menteri ]**



13. PR-1331-U66346

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan gerakan militan di Malaysia."

**[ Menteri Dalam Negeri ]**

14. PR-1331-U67135

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

**[ Menteri Dalam Negeri ]**

15. PR-1331-U67141

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**